

秋水閣詩集

秋水閣詩集卷七

雲夢許北

同邑程懷琨王農參閱

古近體

題錢少宰撫棠同年滌硯圖

硯田碌碌小儒耕磨鐵如公副大名吏部文章琅笈重
神仙丰格玉山行一心

天語隆前席拾瀋風華漑後生洗盡墨花青眼在九流
人物待銓衡

苔岑交誼託雲龍慙媿三同百不同

余與撫棠鄉會試同年官同館同出

陳明若師門下

折柳年來縈夢雨飛花隨處任春風談心莞爾

時逾子

余每過試院談暇至三鼓尚留不令去

搔首頽然醉竟翁亦有虹

光留

賜硯

乾隆壬寅侍宴純皇帝恩賜硯一方

羸官可稱畫

圖中

題鮑雪林所畫鮑莊圖

莊為雪林先世郭外書舍荒落為他人所有記址於

圖感慨係之矣

浮家未泛浙西船

余奉使四方獨未至浙江

水石無端落眼前不信

鮑莊餘蔓草居然喬木護雲烟清門文采風流在勝事

吟花醉月傳笑我隨身秋水閣何從點筆上雲箋

余在都日

顏酌山侍講爲作秋水閣額出守以來輒顏於所居小室實無閣也

雪花如掌凍關旗把臂真嫌識面遲貧日訂交方耐久

老來論事欲相師雲山莽蒼餘千古烟水因依又一時

多少平泉閒草木可能入畫撚吟髭

乾隆癸卯冬余校書熱河雪林爲作

雪景小幅

冬間入都汶上途次舊僕劉德致食物戲作口號

示之

殷勤野店具盤鯖去馬猶存戀主情小酌汶陽城外酒

居然也爲建康清

雄縣早發同王生

保澄溥泉

燕南趙北古雄州同此驅車異舊游
冰月全空瀛水渚霜華黯黯黑貂裘
騾綱燈火遙遙轉茅店人聲浩浩浮
莫問當年何六宅長吟怕說蓼花秋

今歲秋間雄鄭大水趙北口一帶至

李斷行

酬王生見贈之作

王郎才調舊知名投筆翩然出鳳城
莫以官卑忘赤子不妨俗薄笑書生
求才久聽頻頒詔巧宦終慚四至

卿老我識途如老馬爲君傾倒客中情

德州道中五十四歲生日作

今日全過五十三

帝恩仍遣守江南

時奉回任候陞之命

清時利濟將何補華髮飄蕭恐不堪斟酌村醪分僕園
隨攜鮭菜索都籃祇應官閣虛槎地細數行人飲未酣

香巖大兄居郡舍之虛槎

平原旅店除日卽事

崢嶸歲暮暫停驂節序年來久未諳舊雨懷人思日下

早春先我到江南

立春在廿二日

無多慊從酤須醉不盡流光

事孰擔料得官梅東閣在洗妝遲客共傳柑

屠蘇入手漫沈吟笑看新霜鬢漸侵人事浮雲歸夢幻

客途晴日感天心過年小市多村鼓

村舍多鼓樂聲詢諸店豎曰人家過

年蓋土俗致祀事也

爆竹中宵總好音欲著歲時風土記輜軒莫

惜賦駸駸

餞臘迎新例同沿村兒女換青紅論交喜駐平原邑

時與王溥泉同行

吹律溫回黍谷風西顧銷烽三輔外北來佳

氣五雲中不知宣府凝香寢守歲能無憶阿戎

溥泉爲宣化太

守桂峰小
阮故及之

小憩勞人恃主人問漿得酒卜新春

六年歲在辛酉

何妨三宿

畱餘戀敢炫孤芳邁等倫燈火不教驚櫪馬風雲無際

接龍津徘徊茅店雞聲後玉珮趨朝是此辰

同出都數君皆去余

與溥泉獨雨擬初二日始發

辛酉元旦

王正雲氣驗靈臺帶得

龍光

北闕迴人物欣欣生

意滿郊原盎盎好風來埽除蓬戶原無客點綴椒盤漫
舉杯格是新年新境界長吟又費醉翁才

酬王溥泉

人海萍蓬偶合蹤，聯鑣鎮日省過從。
我慙黃霸重臨郡，君到韓門早化龍。
入眼韶春初澹蕩，干霄氣象自雍容。
還期二月山塘畔，眺遠同登海湧峰。

酬蔣丹林太史卽送之九江

我卸吳江帆，君歇龍江舫。
掀髯成一笑，昭文琴不鼓。
君侯金閨彥，九霄儀鳳羽。
文星一入越，戊午鄉闈典試浙江拔十竟。
得五我垂朱紱來，六載此守土。
民淳懼吏擾，才拙愧儒腐。
蒼然六朝山，顧我徒媚嫵。
新詩發高唱，珠玉落欬吐。

自問真蓬心不獨政無補窗紗迎遠綠麥隴受新雨江
潮昨夜生送客過湓浦匡廬留面目好句圖客主側聞
堯舜朝稷契正接武玉堂本天上待子德星聚我志
無他求不敢彀強弩翹首望卿雲紉縵四海覩

題陳古華太守閉門索句圖

君家文筆由來健況爾才人是謫仙一瀉明珠傾百斛
可知妙手總天然

一棹西泠又秣陵醉邀花月醒攜僧柴門分付清風管
遮莫求羊叩許膺

湘江清氣入吟多霞契蘭心自不磨

君任湖南太守

餘事尙堪

矜我輩問余點筆奈秋何

十丈松筠五尺垣披圖信有若人存來過我欲掀髯笑
只恐花時嬾閉門

題馮鷺庭太史所藏王補雲爲沈

南疑

所畫林屋山

居圖

國後

陸

周

金

然

博

問

亭

爾

都

吳

天

章

雲

陸

陸堂

金

熙

宋

牧

仲

諸

老

各

有

題

識

鷺

庭

編

修

室於

太湖

之

東

山

極

花

竹

林

石

之

趣

適

得

是

圖

不啻

古人

先

我

而

作

也

攜

至

郡

齋

囑

爲

作

詞

玉堂仙人紫芝客不踏金門問泉石
卿環欲訪龍威書

東山先卜子雲宅室中何有鄴架排檻外紛如吳岫積
橘子乞待沾新霜莫釐登好攜春屐團扇方聞畫放翁
誰知縑素畱陳迹王郎畫手舊絕倫沈侯亦是嶽崎人
軟紅塵裏拂衣去曾寫林屋披麻皴邇來流傳經好事
百六十載猶鮮新先生得畫意大快爲我作古寔無因
洞庭兩兩翠浮玉太湖濫濫波鎔銀烟波風月同領略
往者非主來非賓况吟好句等珠貫漁洋竹垞同綿津
查山神往欲銷夏蓮花萬朵收香蕊惜哉老守不得往
朝衫挂體趨風塵蓬萊日月付想像北山文移徒逡巡

披圖不覺發清興，鼓棹何處湖之濱。
天隨子無懷民自適，其適非沈淪。
不然浮家泛宅亦自可，君如有意吾爲鄰。
但恐天書五色下，紫宸香山丹竈仍當壚。
此圖此詩作息壤，長嘯且待三千春。

贈和潛齋觀察卽送之河口

炎雲六月逼松棚，忽駕籃輿又告行。
知有薰風攜滿袖，一身到處萬家清。

書生奢願本無多，淮海安流水不波。
愧我望洋空攘臂，憑君隻手障天河。

三間茅屋作行衙挂起西牕月未華
瓠子不歌船下閘榜人閒唱浪淘沙

題和潛齋觀察棲禪圖

苔岑結契素心同作佛因緣合讓公
入世本無矜我相濟時端有活人功
蒼茫宦海浮雲外澹定春華過眼中
彈指八年成底事還憑說法啓吳蒙

上西江無役不共今守官袁浦朝夕過從殆佛法所謂有因緣者

余於乾隆乙卯繼公守江寧嗣是穎

書扇送楊子儀表姪歸雲夢

扁舟來省惜情親乍見還疑認未真
莼菜鱸魚江上少

秋風何事作歸人

吏人衙散晝垂簾
玉魴蘭開氣共恬
笑我眼花書字大
年來白髮是新添

輕舟無計壓歸裝
紙扇頻書也不妨
贈爾清風帆力健
好濡彩筆序滕王

寄楊表兄香谷

十年一面真非策
兩地相思各白頭
爲問楚王城畔草
可堪荷笠牧吳牛

蓬山風景舊曾諳
雁斷西風最不堪
寄語老兄憐弱弟

菜根咬處竟能甘

亡弟石泉在翰林僅三年今小澤表第官編修清苦尤可念也

清白畱貽到子孫門風祖澤各圖存他時扶杖過橋去

好約看花把酒尊

兄家有牡丹已五十餘年矣

寄題張生紫瀾青溪草堂

北郭詩人卜一廛風期共識孝廉船

張匠門先生未第時所居名孝廉船

家貧最覺藏書重親健欣看古柏堅報國年衰期得

士受知才大勉希天試看寶劍凌雲氣豈受塵埃爾汝

憐

依山背郭薜蘿垣竹樹條條似遠村雲得好風徐出岫

波留明月靜當門聞歌白紵驚文藻洗耳青溪滌酒痕
從此草堂徵逸事華裾玉珮集高軒

題黃心盦秋舫閒吟冊子

黃名承增刊有
今詩所見集

一生結客無餘子四海憐才識此心今日把君詩過日
果然三歎有遺音

當年坐領秣陵秋老我詩懷澹不收山色江聲吟未盡
多君載入木蘭舟

題宋牧仲詩集後爲馮鷺庭編修作

王漁洋朱竹
垞邵青門手

評丹黃
如新

開府清才擅一時尙書點筆老無疑沈吟細看金鉞迹

不獨當年一字師

漁洋塗改處具見前輩論詩之嚴

滄浪亭水碧粼粼黎獻南邦迹又陳能豁道糧蘇積困

我應低首拜綿津

牧仲開府課士有南邦黎獻集

文人從古每相輕如此丹黃見性情可但吟詩知律細

素心端不負平生

題屠南章先生觀釣圖

海嶽遊蹤已半陳天畱邱壑付斯人兒曹儘有絲綸手
不礙溪山老此身

碧樹叢叢澗水寒釣魚應識養魚難攔江網濶人多少

可信先生冷眼看

行到淮陰每叩門

時先生寓淮安

從知心事異王孫羊裘不著

觀垂釣肯受無端一飯恩

南章先生以所著藕湖漁唱見示以詩綴之

予以築唐

灣壩工畢自錫山登舟返淮浦日已長至而多東風河流如鏡絕不似夏秋漲盛可駭可異之狀偶讀先生是詩因綴句於篇首以誌歲月先生盛德和平無一忤人語茲於讀詩之際而黃河之安流適與時會殆先生之詩有以召之耶

南遊滇蜀北燕齊快眼山川放膽題今日篷牕閒擊節

黃河聲落大荒西

東觀同繙未見書燈花挑落四更餘

予校四庫書時先生爲我代校摘藻

堂四庫全書風塵我亦添華髮可及先生薄笨車

陶冶風花本性靈此中曲折是曾經藕湖漁唱天然好

流水高山試共聽

列戟家聲世澤存養成雛鳳上天門清吟自可娛終老

更待他時翦燭論

和潛齋觀察松菊圖

圖畫盆松一株瓶菊一枝

三牘辭官竟拂衣

時潛齋以疾請告

楊花如雪送將歸祇餘松

菊增圖畫莫向團蒲辨是非著手總傳千載業濟時忍
使一心違沈吟幾度春風裏不分賓鴻也北飛

將以三月回京

題和潛齋逃禪圖

圖畫僧服趺坐蒲團上閉目垂眉似有不可一世者

佛言妙諦不可說君也嘿坐初逃禪以定入靜靜得慧
我無我相天其天雖蟲得失苦自擾龍象擔荷寧無賢
君今掉頭百不問要使皓月澄心淵偶然遊戲得自在
此理豈復需言詮我生愚昧性清淨花風萍海隨因緣
不知捧喝不行腳長笑牛鼻勞童牽披君此圖與君語
華嚴世界分三千三車未度多顛連如君何可歌歸田

爲我白佛佛亦然

題王九峰藝蘭圖

王潤州人精於醫圖爲其姬人作

烏衣門巷舊諸王小隱丹壺日月長
種得紅蘭盈百畝不迎桃葉渡橫塘

如畫江山繞潤州青鞋布韞足風流
蘭陔近與芝田接好是同心學竝頭

天寒日暮悵無人空谷香流自在春
何似瑯琊好風調

手漱玉魴配松筠

圖中張二尹賜宜補作松竹

我家結茆湘水曲
臯蘭作花葉披玉把圖彷彿吹清風

更乞天香斛金粟

題李松雲同年虎山看月圖

明月天心千人石上無一人焉傲睨長空

意象蕭遠

秋老人初去春歸客亦歸風塵青眼共出處素心違竹

箭渾流水咳蘭愛日暉上官仍拂袖此意似君稀

君於壬戌

九月入都癸亥春除守徐州以河流近城迎養非便將於上官後即請出缺候補

石關千人坐如何祇一人才無餘子敵月是謫仙身浩

落畱清氣高寒見本真吾衰徒好事遊跡憶逡巡

題徐稼庭怡怡圖

其兄官淮浦歿於水稼庭撫姪念兄追爲此圖

舊事那能說新圖強自看悲思畱眼底生面貌毫端淒
斷西風雁栽培玉砌蘭吾心更悵觸落日閩峰寒

送李紫溪之閩中

試折江梅插白頭爲君酌盞洗離憂貧賒書味綿清德
老閱人情耐舊游春草碧生公路浦東風輕上木蘭舟
相期暮景飛騰在莫便南山薄故侯

放眼溪山萬里行飛鴻北上子南征不辭剪燭連宵語
可憶拈毫卅載名出處途分慚政拙旌麾幕卷喜時清
惠連應有西堂夢好句吟餘寄友生

秋水閣詩集卷七

七

徐心如觀察漢水秋屯圖

心如爲東河同知時姚之富樊人傑等作亂襄

樊間李薊林河帥奉詔防邊於老河口心如叅軍事沐恩賞戴花翎爰有是圖爲題其後

垂裳

堯

舜頌文明赤子潢池敢弄兵
授鉞中州初卷甲防秋上
將更移營軍司飛檄書千紙
幕府揚旗月四更一碧漢
江流萬古肯教風鶴警承平

多君四十早登壇共道軍中有一韓
買犢用施

天子劍左貂恩比侍中冠綠林徹幕鳴烏樂丹水生

秋飲馬寬試望雲霄明紫極長城萬里護長安

七載櫓槍埽不畱紅旗卷雪渡盧溝

川陝楚武功告成壬戌冬紅旗報捷

徙薪有策徵前箸

老河口自君防堵後賊未渡漢至七年冬始撤防兵籌筆何烈

咽舊遊

予於嘉慶元年隨蘇尚書防邊駐兵潁州奉詔進師湖北旋以孝感賊平而罷

鄂國

鬚眉森劍戟順昌旗幟壯貔貅祇今把卷春風下遮莫桃林好放牛

虞山糧儲使者官閣有牡丹一叢甲子三月盛開

余適病足盤輿往觀戲賦小詩

天邊霞彩月中香都付花叢第一王端重自邀春氣力

氤氲最稱日舒長五風十雨開如意萬紫千紅鬪不妨
莫笑白頭扶病叟腰輿就爾共平章

牡丹盛開夜雨甚驟伯氏香巖先生命以官蓋覆
之因賦長句輒此繼聲

卅朵聯開欲浹旬對牀聽雨更關神喚晴童假呼鳩婦
傾蓋花真友主人油幕待遲來歲約天香原是上林
春殷勤好識栽培意消息從來不厭貧

題李宜圃觀察泛海圖卷子

觀察以江浙洋面分
界未定兩省互爭奉

督府檄與浙江文武官同放
洋至大羊山定界因繪此圖

天上蓬萊客人問李郭舟凌波馳海若持節鎮陽侯水
氣蒸爲地濤聲壯入秋三山風可引萬國目前收下碇
多依畧憑鉞儼畫溝出洋用寅良針至大蒼然吳越界
邈矣稻梁謀棄用珠崖議防仍馬蹟周大羊山馬蹟山
上因海賊易於蹂躪近已封禁江浙會哨以烽銷鯨徙
馬蹟陳錢花鳥諸山爲極外此則舟不敢至吳淞
窟烟靖蜃無樓晒我臨崖返余守松江時以調發兵船
奇君挂席遊揚旗敷遠略借筇倚前籌艦已馳龍雀在君
任歷年築砲臺修戰艦武備最爲修舉
圖不

送吳鏡心司馬致仕歸海

宦海知名四十年者番把舵竟收船人言司馬原方外
我羨懸車勝敘遷精氣神完心灑落去來今感語纏綿
新安大好惟山水訪戴還期再溯沿

敢云屈宋是衙官共守冰心耐歲寒秋好天遲歸客興
年饑我愧養民難雲霄魏闕恩原重風月茅檐擔最
安送別未成翻話別各畱面目異時看
君待部文未成行而予以監試
金陵
先別

汪稼門中丞甲子科監臨江南鄉試以詩紀事聞

中見示依韻奉和

春蠶聲裏聽瑤章老我新登大雅堂
物被清風皆手植
士薰善氣是心香
王盧器小慙文藝
山石吟高薄女郎
爲語麻衣關試客
龍門高峻不須防

吟到退之山石句始知渠是女郎詩

元遺山句

此夜文星照大千
阿誰衣鉢有真緣
風鈴月杵嚴初地
矮屋欄衫記往年
得路雲霄原偶爾
遴材杞梓孰翹然
趨承日侍歐陽座
公正心能答

帝天

中丞初以籍隸安徽疏辭監臨請以皖撫蒞事奉旨心存公正不必以迹涉嫌疑爲例外之請是

以閨中防範
尤為詳密

十年江左縮銅章越俎連番洺此堂

戊午署鹽巡道提調武關蘇松糧道

向無充監試文闈者父老爭窺驚我瘦
今甲子科特奉檄充貢院內共施越網羅西子
者羣以余桂花相識待人香
瘦相告語有六桂

敢使天台誤阮郎尚有澤農關念慮無禾何計得周防

今夏雨多低田受淹奉旨勘實加恩蠲緩余以入闈未能從事為之惻然

大穀英雄萬取千求魚母向木為緣翁多嬰鑠猶溫卷

老儒年七十以上至八十九十我近衰遲合引年報

者三場完卷共有二百數十人國半生顏莞爾程材五度意皇然

余自庚子至戊申鄉會試五次承恩同

考今朝明遠樓頭望定有榮光起燭天

鎖院述舊言懷簡王雨亭觀察

垂髫見說金陵事鎖院曾開選佛場

先大夫爲崑山令乾隆丙子科聘入

同考余時九齡

過眼自然無燕石點頭何暇計荒莊卽今士論

符輿論格是心香祭舌香四十九年渾一瞥郎君白髮

此升堂

老病侵尋久自嘲戰場經過漫登輶入城翠岫延朝爽

鍾山逼近

列陞蒼官得素交

至公堂下二柏古幹

一十

七科年已遠

予舉庚寅賢書今已十七科矣

萬三千士氣爭爐沈吟幾

度風簷下楨幹何人慶拔茅

書生結習此心同得失休論造化功
華國當期傳異日樹人今喜有羣公
江山一代多清氣文物千秋炳古風
無限甜桃兼苦李饒他榮落四時中

約法分條戒吏人一堂坐對及三旬

提調監試均以三場硃卷入內簾後

始得常懸規矩端標的敢謂防閑束溼薪
代作嫁衣猶

稍暇自勉看人放榜莫添嘆

三入承明不知舉看人榜下放門生王黃州禹偁詩也

半

生未了無窮事慙說承明舊侍臣

王雨亭觀察餉永寧泉水

泉出雨花臺甘潔在江水上

小人愛售欺飲水事亦細如何一瓢需行潦漫相替君
心本湛然君鑑不可蔽遂新調水符別作汲泉計石乳
養雲膏津津出沙汭所重源長清不受塵俗翳味淡判
涓澠流甘等清濟活火颺青煙微濤落松際一笑問坡
仙煎茶尋舊例

朱方伯魯門秋樹讀書圖

賜書插架百年留尚有藜光徹斗牛幾度蓮花橋上望
紫袍人在讀書樓

漠黔燕晉各驅車經術淵源信不虛論語繙來剛半部

秋水閣詩集

卷七

七

桂花香到午風初

高論千秋眼最明本來面目老書生秦淮裙屐多年少
津逮應知擁百城

林司馬小照

司馬自閩還過嶺入古寺無人有龕
龕中僧像彷彿如已相因作是圖

佛言患有身君何現我相前生後生間孰真孰爲妄老
僧定不語司馬嗒若忘年華四十過彼此各無恙一笑
下荒山花落茶煙颺

太白招月飲對影成三人東坡照潁水蕩漾百其身語
君君不爾披帷得吾真獨笑車馬勞誤此山中春

彭秋潭見示所和張松泉太守雪美人詩依韻戲

作

瓊樓高處玉爲塵微步翩然洛水神細點霜花添鬢影
斜臨月鏡溯伊人世無金屋知難貯獨有冰心孰效顰
好乞齊奴開步障未妨酬酒喚眞眞

紙牕竹屋自朝昏璧月瓊枝忽映門未免有情成晤對
不因人熱避溫暾是空是色參應悟爲雨爲雲語不根
遮莫羅浮山下路相逢綈袂認梅魂

迴風舞態舊曾誇玉立如何鬢已華老我使君眞寫照

伴他學士試煎茶不污春色三分土漫逐新妝五出花
却笑兒童閒未慣素娥耐冷又鄰家

年年滕六巧催妝裁就春雲一色裳名是飛瓊矜玉貌
心如古井冷銀牀無言人醒三生夢索笑梅分萬朵香
省識天公能判斷肯教曉色減容光

題徐梅谷照

海上相逢鬢未絲披圖已覺十年遲芙蓉莫歎秋江冷
要看霜天曉角時

余初守松江與梅谷
識角指逾十載矣

瞻園聞雁和伯兄香巖先生

聽到秋聲最感人如何塞雁又逡巡
竭來水驛還山驛

可耐霜晨更雨晨碧落陳情書草草
西風訴苦語頻頻

蓼灘浸斷蘆汀冷河伯年來太不仁
淮揚徐海連年水災大吏前後奏請

賑卹二百餘萬兩此外商捐官捐各為經理而災區水

浸民之逃散流離者絡繹不絕幸鄰近江西安徽浙江

江蘇各省豐稔米價頗賤又檄郡縣官吏資送傳食同

籍候賑予自七月游任來往查勘蒿日之餘日深愧懼

能辭責也

將雛攜侶度關河半抹寒雲半掠波
樂土翱翔矰繳少

蒼天仁愛稻梁多掩牕徹耳三更後
倚枕驚心四顧何

期汝鶴聲飛一一扶搖同上九霄摩

驚人最是一鳴時暗數當年事可知閨苑瑤臺朝比翼

上林珠樹宿聯枝分行忽折青雲路照影空留白髮思

不獨澤鵠聽不得此中老淚更低垂

石泉弟舉乾隆己亥鄉試第一庚子

成進士入翰林同官編修深爲英文肅穆文恭兩相國所知以甲辰冬下世今二十餘年矣感念及之故有斯作

大功坊側月如鉤竹厂松籜總舊遊

予守江寧六年前後如陳東浦率茲

孫日乘江首木日章裘可亭行簡阿兩聽林保諸公作方伯時獲至園不以屬吏禮拘也來趁賓鴻

聊作主聽殘長笛又登樓烟霄結陣排空健水國生寒

得意秋爲問老坡成賦夜羽衣道士夢來不

題唐陶山刺史憩書圖

讀盡藏書可憩書料量人海息舟車五千卷已撐腸熟
十二樓應插架居雁足燈紅丁夜靜鴻毛風軟午牕虛
信知結習書生在擁笏垂魚老不除

壽星橋畔屢停輪幾見嶽崎磊落人半解我慙三篋儉
十年君剩一官貧城頭鍾阜晴嵐合天際瀟湘夜月親
把卷蒼茫還四顧可知環堵盡疲民

題屠丈德輝老僧負笈圖小照

不爲兒孫作馬牛挑時著力歇時休試看老衲空山坐

也自登堂說法不

世間大事任人擔挑匪聰明歇匪愁若更爲君求轉語
一分辛苦一分甘

題屠莘樂畫冊

花柳村村物自私鳴鳩乳燕各參差此間日月春如海

合是唐民孽壤時

時丁卯三月余
叨藉田歸署作

聞戴季昭至下榻瞻園口號却寄

黃鶴翩翩駐石城蒲帆十幅早前征

予先以查
賑赴淮揚

王如避

客遲歸路弟不先兄慰旅情

伯兄香巖亦居瞻
園與季昭共晨夕

人事變

遷三紀久名場利弊百年爭垂髫看我今扶杖合共君
歸話太平

樗散從知木不才漫開行省鳳凰臺漸看老瘦驚翁稚
可有和甘澤草萊報國寸心難自謝濟時全局問誰
裁幾番搔首青天立但覺鰥生念慮灰

三渡邗江問水程飄蕭白髮不勝情村空廬舍烟波合
窟徙蛟鼉畎畝平事悔失時無上策民畱殘喘愴餘生
漢廷大有王尊在肯放河流四野橫

瞻園竝蒂白蓮花

瞻園南池夏初水涸池蓮葉小
於錢已而大雨水生紅白蓮作

花甚盛八月初白者開竝蒂花一枝翠幹挺生
兩美相合黃鬚瓊瓣左右各向爰賦四詩以紀
其事

天然異品現蓮臺兩朵花從一朵開質總無瑕香各擅
形原同氣影難猜竝迎初日光離合直俯清流水溯洄
采遍秋江千萬柄可知君子荷栽培

淮南桂樹拂金風小立方塘更不同是萼是花流玉色
相當相對照珠宮陰欹卷葉斜依翠態助鄰荷薄襯紅
待得秋深齊結子駢胎分數一叢叢

地經 玉輦奉宸游 奎藻紅雲護上頭拭目獨呈

新色樣前身應記舊瀛洲三更月路香彌淨一色烟波
澹未收好是雨珠添百斛濯枝還有渥恩畱

歲歲看花眼最青此花世眼問誰經於人自遠凌波立
對酒全消伴月醒巧得仙才分太乙種非爾力笑園丁
試翻相府蓮新調頌續嘉禾合穎聽

送鄂廬谷方伯展

覲入都

公名雲布

分曹聯步十年前擁節相逢建業天士仰丹心培正氣
時君護院撫篆我畱青眼各華顛賓鴻初到人將別班
監臨江南文闈馬頻嘶月正圓辰告好酬宣室

問皖民翹首五雲邊

鯁生儒術本迂疎環顧真慚託命虛政到勞心窮閱歷
事非袖手待躊躇朝天春沐恩如海洗露秋懸月
送興爲計袞衣歸日近梅花香動讀君書

屠華亭先生以崔翁筠谷畫扇屬書戲賦一詩

嘉慶

丁卯余年六十有一官金陵華亭長余十歲同
居瞻園以崔翁所畫竹扇索書崔翁名瑞自號
華林外史時年九十二歲而容貌如
五六十歲人因戲賦此以誌歲月

三人二百廿四歲出處隨緣各不同仙尉懸輿能却杖
使君綰綬欲成翁逍遙最羨華林叟叟鏤真成河上公

筆底烟雲紛供養扇頭竹石不殘叢蒼堅勢拔千尋表
熱惱煩消一手中寫照凜然標直節惠人隨處有清風
君思付掌需荷葉用坡公作竹石與賈老語我漫畱題等雪鴻好待
彭錢年八百各揮妙墨較方瞳

題王九峰種竹藝蘭圖

昔聞龐安常活人擅妙理對客每忘言用目俾代耳堂
堂東坡公過訪日移晷一室寂聲聞意解融骨髓卓哉
兩奇人豈獨恃方技風流邈千載乃復覩之子書懸肘
後方清飲上池水閒搆採藥鏡幽躡尋山履種竹竹孫

秋水閣詩集 卷七

三

青藝蘭蘭芽紫靈根心所培甘露天自醺吾生拙無濟
六十再來此去歲聞哀鴻澤國盡轉徙今年苦憂旱瓶
罄惟囁恥環顧江淮民衣食將何恃我術媿求生君功
能起死爲民乞還丹或免呼庚癸君應听然笑不能宜
自止曷弗蘭竹叢避賢彈綠綺

遙送費西壩給諫奉使冊封琉球

袞衣玉節拜明光遠冊中山異姓王恩重五朝隆帶
礪波恬萬里下梅洋魚龍靜護星槎穩日月平臨水伯
藏記取清時增勝事天風三日過扶桑

康熙朝汪舟次出使揚

帆三月而至

中國當陽有

聖人螺舟蜺壑總來賓朝推威望霜臺柏天與風光驛

路春風雨合離蹤已遠

前與君共使事已閱十四年矣

雲龍上下意長

親祝君那壩迴帆日老筆重書畫錦新

君星輒必經浙中

題戚蘭莊寫生冊子

小桃灼灼鬪霞開新柳依依濯露纔語我呢喃雙燕子

十分春已入村來

竹長龍孫雀引雛天然生意入新圖春風養就淩雲節

秋水閣詩集卷七

容爾朝栖暮卓無

動植欣欣各遂私天心長養物何知眼前共識將雛好

我憶鴻蜚澤畔時僕於十一年遷江寧連歲江淮以水

蒹秋薄徧民氣稍蘇

木落溪山欲報秋田家籬落晚烟稠無多杞實如紅豆

絡緯聲中勒馬頭

孫男方

坪小岩增葆川坪季平

校字

秋水閣詩集卷八

雲夢許兆椿秋巖氏著
同邑程懷璟玉農參閱

古近體

和福蘭泉侍郎春日同泛舟通惠河卽事元韻

殘醉初消雨後風

先一日同侍郎飲於令弟觀察公之掬月舫

舊遊鴻跡渺

西東

李尚書同年招遊二開巳三十餘年

卿雲那許依閒岫

侍郎由黔撫內召候補

京堂到京未兩月

宿鷺何堪起葦叢

予佐秋官同日漸

進平流知枕穩久諳世味覺情空定知佳話流傳速國

扇從人畫放翁

送邱芷房同年之黑龍江

芷房自山東藩使居憂回里以事牽累遣戍

縲臣嚴遣赴龍沙布被輕裘下澤車

恩遇

兩朝虛報

國居官卅載尙無家心期可信丹仍赤蹤

迹何憑柳颺花長祝

天皇無量壽金雞十月聽宣麻

今歲十月恭慶壽五旬普天被澤

賜

環恩命同此仰望

因君舊事話從頭三省曾驅使者郵

奉天吉林黑龍江設三將軍分駐師

東三省予九月雪花催木葉一城人物彙旃裘黑龍江
三使其地大木爲城外周以土垣垣內有居人約千
布灰城柵漢人蒙古錫泊滿洲達呼爾索倫六種極
餘戶分滿洲漢人蒙古錫泊滿洲達呼爾索倫六種極
邊糧賤安生齒鄂北即接上市魚多勝脯脩深閉柴門
燒櫓柑試拈詩筆獨吟秋

霓裳記詠大羅天慘綠當時總少年君戊辰生甘苦嘗

餘真嚼蠟風波險處汨停船薄分官俸君能諒初定禪

心佛有緣爲指路河清寫照各畱顏色待歸嚮君居內

乃有助事故
四語云爾

奉

命撫輿感

恩述懷與同朝諸公言別

初馳郵騎到津門

時奉
按事天津忽奉

天書下紫闥幕府乍開持使節

皇風遠扇布

君恩山蟠邕管奇偏秀民雜猺蠻質近村莫謂王程七
千里

天威咫尺舉頭存

六十三年鬢久皤消亡精力更如何除官轉凜仔肩重

慮事難言閱厯多上到竿頭人著眼養來元氣術無頗
魯論半部平生讀只怕郎當鮑老歌

趨朝日日入東華分楫同舟路不差去喜諸公能見
信愚慚一得哂無他三台星朗中天色獨樹春榮老幹
花幾度驅車頻執手長安門外又天涯

殿開

勤政雨飄絲

陸辭在圓明園勤政殿
見值小雨時四月二十九日

召

詔引儒臣獨對時

特獎孤生標慙直每從民祝

鑒操持

誠推臣子難言隱感入人心不自知未是直陳溫室樹
要圖世世報

恩施

烏私

殿陛許陳情五日爲期緩驛程蒙恩給假五日菽水
最悲虛子職松楸今甫獻

君羹

鸞書九命光泉壤

今歲恭逢
品吾邑自明

以來未
有之榮感激

君恩愧無報稱雁序三行拜弟兄報國孝親同一理敢誇畫

錦是斯行

石湖著錄

范大成

柳州詩唐宋同傳絕妙擘銅鼓賦成

雲未散蘆笙吹徹月初移殊方風土聞多異百粵歡心

合可期應讓老兄車轍廣十三郡有紀游碑

香岩兄遊李石渠前

輩文幕徧歷廣西各郡巡撫駐桂林不能徧至所部也

楊戶部小澤弟蕭戶部四山喬給諫賁山郝庶常

琢菴張司城晉軒再送於廣渠門外

萍海原無定風雲各有期永言崇令德努力濟清時折

柳非前樹歌驪記昨詞楚中逢父老爲爾寄離思

彰德過潘吟序署小飲賦別

潘六予西曹舊友也以同知直隸州借補通判今六年所一官落落殊爲可念

問渡纔銷一斗塵老逢知己倍情親官閑能保鬢眉黑
性澹長留面目真馥郁花開香送酒淋漓詩健筆如神
可知種竹栽蔬客本是懷蘭畫省臣

回首雲亭十六年

刑部後堂額曰白雲亭

天衢分路各爭先從戎

君草枚臯檄作郡余慚祖逖鞭三接承

恩難報國一官隱吏欲成仙請看百萬蒼生在正要

軍州泣大賢

安桂甫權大定守以書來粵信中有青雲齋箋二番蓋誤封也既答其書戲以二絕句寄之

何事華賤付老秋青雲齋字認從頭慙予西抹東塗慣難更重修五鳳樓

太守燒燈自作書萬千心事語無餘沈吟別寄空箋意鄭重神交字也虛

十一月庭桂盛開欣然成詠

粵西多煖獨桂於九月始花較中土爲遲予以

七月至粵節署有二桂已花於九月矣中庭一
桂十月復花十一月更盛詢之客云向未有是
是可賦也

不盡天香發桂林嚴冬猶綻粟如金時無霜雪天公力

契合芝蘭地至心滿院風傳人共傾披裘客對酒頻斟

也知有脚陽春到何意秋光爾許深十月二十八日灌

桂林惟作
寒數日

梢頭葉底細垂垂撲鼻濃薰十二時月府根深原獨立

淮南人遠正相思多情白髮畱青眼得氣新花簇舊枝

試寫消寒圖九九桂林好唱桂枝詞

十六日
長至

掌故曾傳八桂堂一枝今特異羣芳暑增萼坼聯駢藥
寒重天儲耐久香奴洗尊罍傾北海賓稱草木狀南方
由來晚節隨時見可但籬東老菊黃

吏散當階日幾巡愛花鄭重此花身我攜湛露天邊澤
人頌如來佛地因直幹生餘存癖性冬華繁處鬪精神
吳山越岫行吟遍爲報榕門勝賞新

查孝廉雲槎湯茂才仲虎見和桂花四詩疊韻奉

酬

桂父成仙記象林擲餘萬斛未燒金十旬聚馥秋生色
二客從予賞共心日景烘宜南陸暖天漿潤自帝臺斟
霓裳法曲聽來久再訪瓊樓路未深

紙牕土鏗荻簾垂伏雨闌風驛路時

雲槎客冬寓居予
邸舍五月同赴粵

西七月灘水天香霏不斷匡山雲樹莫興思

雲槎星
子人小

春已過頻番候上苑應推第一枝看取和羹梅又報紅

芽疎影譜新詞

答雲
槎

爲梁舊說鬱金堂獨秀休歌菊有芳得地不教冰作勢
凌寒信自月飄香記曾白墮飛三雅何處蒼葭阻一方

寄語花神徵逸事同君金帶共圍黃

答仲虎名寅長沙人

花開頃刻酒逡巡未比連蜷此樹身與我久要知有待

耐他冷淡熱何因黃爲榜眼需公等

宋人詞詠佳云狀元紅是黃爲榜眼

白探花郎晉中所開乃金桂也

老不中書惡墨神乞與東皇憑判斷物

華增處歲華新

解嘲詩

己巳十二月奉

任除夕抵長沙署善化某令以總槽部堂銜牌

詔調授漕運總督星馳赴

見迎戲作此詩

生平不擬醉鄉侯况奉

新綸速置郵豈有尙書兼麴

部漫勞邑宰作糟邱讀書字要分魚豕過客風原各馬
牛聞說名區已遷轉武岡合署五缸州

某令已擬陞武岡知州

舟中酬程棣村同年

黃鶴仙人去欲來城頭傑閣鬱崔嵬華堂笙鼓開關宴

燒尾風雲起上才末座客今雙鬢短濟川君果一時推

沈吟四十年中事泡影依稀首重回

楚北鄉試揭曉新耶君會同年於黃

鶴樓後之具美堂庚寅關宴予以齒始末座

菜根咬斷更鳴琴肯負安州訓士心

君先為德安府訓導旋中丁未史致

光榜進士潤合岳雲三月雨

初宰山貧辭海嶠四知金廣

城增養成正氣胸無忝醒怕狂名酒不任性愛酒近僅放

眼晨星多落落莫教吾道日銷沈同年在仕籍者劉若

胡君以曜
暨君與余

埽徑曾開挹翠樓瞻園中樓名松青石縐竹修修雲龍下上

期相逐萍水因依不自由歸去並畊從許子饑來垂釣

慟韓侯淮陰城下英風在珍重今年李郭舟君訪予於江盧藩署

不數月予
省二年今將謁選乃邀同入都

泛宅浮家是此官行行相送上長安繙書細共尋三味
任事真先耐百難民物一時風土記雲林四望畫圖看

何當再鼓淮南棹爲爾先彈貢禹冠

再贈棣村同年卽和原韻

炎風朔雪初停轡

五月赴西粵十月來淮陰

搥鼓迴帆又壯遊

正月

抄任事六月八

汶衛淮南北水四千九百楚吳舟

今

糧船是總督

漢文重粟民皆足卓茂齊助老可侯同是書生

期報

國政云經筵去尋邱

夏莊中秋招沈上舍秋嵐孫進士雲本查孝廉雲

槎同程同年棣村小飲

逆風順水緩舟行于野同人利涉貞令節醉宜忘作客

新詩吟好薄求名

棟村贈同舟諸子近詩

四圍得月光同照萬籟

迎秋氣自清玉宇瓊樓天上近與君耐冷到三更

夏莊爲東

光地計日可到通州

水流雲在圖

督漕過袁浦徐心如宮保河帥以圖屬題因學王漁洋題水邨圖體成五

六七言絕句

絳雲瞻在霄黃流竟如帶置身雲水間放眼雲水外

相賞松石間意圖成山澤中儀試問黑頭持節那容白

眼尋詩

布帆初挂楚州城同是閒雲出岫情爲澤崇朝徧天下

莫矜泉水在山清

上元清讌蘇進士省園張秀才子瀾諸君有作

雲龍浮迹曾淮安佳節清時莫漫看月逞精神嘲我老
酒諧賢聖合人歡士無出處千秋在事有英雄一飯難
送喜康衢動笙鼓魚龍曼衍可頻觀

雪消春煖試燈風主客情懷一例同米賤三吳諸郡樂
瀾迴九折大河通

瀕復海口臘底始竣

傳柑雅稱蔬盤儉點筆吟

添樺燭紅笑聽轅門吹畫角也如絲竹待羣公

金手山

學蓮

同行北上見贈四詩賦此奉酬

竿木隨身又上場紅旗獵獵走鯨鯢轉輸將奏三年績
問渡真催四月裝行水可遵神禹智畫蛇頻笑舍人忙
飄蕭白髮吟詩叟只蕤酬恩一瓣香

紅橋舊事醉詩人畫舫長年賦冶春揮翰此才應玉署
弄珠今日漫淮濱湖山浩蕩三生夢書劍昂藏七尺身
極北金臺多氣象雲霄綵筆共嶙峋

老去驂騑倦著鞭分無才智敢爭先每防解事能生事
所幸今年勝去年煙水蒼蒼東注海風帆葉葉北浮天
知君擊楫澄清志一葦杭來意灑然

七十老翁何所求深慙未解 廟堂憂要儲粟米餘三
載先督帆檣起八州浦潑光生晴日曉波濤聲挾大淮
流不知溫飽家家念果慰蒼黎足食不

送十三女于歸李宅卽事述懷

李小松侍郎於嘉慶庚午冬命子軒臣來淮就
婚辛未夏予督運北上卽攜之同行以歸京邸
小松先左遷官侍讀者一年七月初予舟抵通
卜於二十二日送十三女隨壻入京而十七日
小松受

特恩擢順天府尹亦於是日接印榮上喜集一時爰以

長句識事

轉粟神倉甫奏功尙餘家事累髻翁無多兒女初償債

僕一兒二女今始畢向平之願難報

君親祇歉衷嫁娶朱陳徵吉日畱貽清白有門風一年

一度朝金闕不待離心寄塞鴻

昨看黃色上君眉果奉新綸下鳳墀清要任符天下

望德才全荷

聖人知如雲喜氣盈門爛捧日恩光著手施眞慶佳

兒佳婦福又從官閣護瓊枝

京朝官例不居署惟大京兆住官署以便辦公

才秀芙蓉佩采苙青燈午夜對雞臆愛生半子情難別

志學全人氣不降李揆中朝原第一黃童江夏更無雙

雲衢直接蓬萊頂努力烟樓及早撞

厝早慧而好學白編修銘云增八歲

有月中兔詩末云願求天上藥普度世間人其志固自不凡也

弱女還同少子憐挂帆相送路三千從官未解鳴機織

湘金曾教采藻篇百歲歡承猶膝下三朝羹作奉堂前

富家大吉而翁語歸向淮南母氏傳

小松書中云然

青縣道中九日

曉霧初收快好晴
長年齊挂布帆輕
潮迴水養魚龍靜
天濶雲驅鵲鶚行
塞雁帶霜趨令節
林風喧雨作秋聲
推蓬辜負登高興
笑倚黃花老步兵

春秋佳日客中過
不醉將如此日何
欲插茱萸人更遠
試搔短鬢雪偏多
民間飢溺聞籌海
世外烟霞有荷蓑
爲問高臺堪戲馬
登臨曾否障黃河

歸舟雜詠

河上風催萬里秋
一年好景記扁舟
卿雲玉葉依丹闕
明月蘆花照白頭
亭幃送迎吹畫角
磨盤來往等吳

牛試聽邪許人如蟻絕勝牙檣起棹謳

霜華未作布裘寒齊魯湖山倚櫂看水落沙痕畱棱棱
去聲見陸游詩村回緯道轉盤盤衙無可放舟長住酒欲頻澆
菊共餐感激

君恩真逸老烟波畫舫載麤官

玉堂制草夢中塵雲海浮游閱此身魚樂肯教賴在尾
天高自布澤如春長年振柁迴帆鼓楚客畊田識字人
粒粒登盤辛苦甚太倉紅腐漫嫌陳

頻年淮堰大防河愁聽西風瓠子歌紫海有欄回澤國

黃樓無地障洪波東南民力關生計今古圖編費揣摩
駱馬湖通泖水濶舳艫直下問如何
鳳闕岩巖望

帝京行人安穩問歸程雁迴紫塞清霜色秋起黃蘆夜
雨聲梁黍千村連畝熟帆檣百里趁潮平自
天好語應須記七月來朝副

聖情

彰德晤潘吟序刺史卽同閩饒園太守同集吟序
通守署

平生我敢輕餘子，矍鑠天仍眷此翁。又捧鸞書辭鳳闕，未輸烏道踏蠶叢。龐官冷署遭逢偶，白髮丹心晤語同。幾度吟詩幾離別，何妨分手太匆匆。雙漳流繞大城來，馬首青蓮朵朵開。變幻烟雲無我相，折除官職是清才。一罇酒喜知心共，三月春憐夏信催。記取韓公畱好語，黃花晚節著相臺。

寄潘吟序

寄得郵筒幼婦辭，愁君遭際愛君詩。琵琶彈出江州曲，未必青衫司馬知。

含香畫省記當年一出眞教錯作緣
尙喜清風生鄴下青山容爾聳吟肩

我亦山林淡蕩人金章慚愧老垂紳
把君詩卷黔陽去一洗黃茅瘴裏塵

桃源道中雜書

近山浮黛遠拖藍一道清江辰谿百道帆
夾徑泉鳴流瀾

繞團雲樹合影氤氳耕漁力作風仍古
雞犬安閒畫亦堪除却笙歌遊賞地問君何事憶江南

乘輶甘載賦重遊水碧山青我白頭
人物阿誰高一世

事功隨分有千秋桃花淨盡漁回棹雲海蒼茫芥穩舟
纔擬收帆還躍馬心香一瓣恐難酬

沿溪高下傍山行山外重山綠不平人到武陵先雨至
渡添春水共雲生薄寒罇酒斟教滿小住簷花落有聲
多謝使君頻話舊卅年心跡又關情

不須洞口引漁郎自洗風塵十丈強人與溪山爭秀色
花連竹樹作清香老懷冷澹兒童笑詩思蕭閒驛路忙
明發辰谿過沅水采蘭何處問蘅湘

辰谿卽事

鯪魚肥後桃花漲曾向煙波學釣師今日斜風吹細雨
辰谿渡口憶當時

鑿翠懸崖戶牖開清波蕩漾照樓臺慈雲徧覆三千界
試叩聞思大士來

水月庵

丹嶂青苔洞久封琅函無處問遺蹤十年東觀書慙讀
大酉空教福地逢

一川平漲碧如油兩岸青山萬木稠四十九溪春雨過
同牽百丈上沅州

伯玉亭

麟

制府勦平南興逆目張輔國有詩紀事

過黔見示次韻奉和

蠻山萬疊水千蟠太乙旗開護將壇龍合八門雲陣陣

兔迷三窟草漫漫縛連虎翼倭難恃障住鯨波海息瀾

從此南人真不反威名震處膽先寒張輔國逃竄一月後卽擒獲伏誅黃

課及附輔國莽伯各案皆痛加勦洗

狼豭中山不受羈將牢何自範驅馳傾巢風已從天下

破斧人忘失火悲爲虺弗摧蛇竟拔亂絲必斬鹿同蹄

先是書閣部丞中丞皆以撫結局終於叛逆金沙江上銀生路歸薦櫻桃正

及期進玉亭與孫寄圃中丞奏請勦除嘉慶十七年十月

進兵十八年三月撤兵土司等被勦國侵擾怨久

入骨爭爲天朝用命
以夷攻夷歲事乃速

覆載生成二百年明都南暨北居延直驚鬼國雷霆闢
肯遺崑岡玉石然買犢夷知和雨種渡瀘軍早共春旋
請纓磨盾由來志祖述今推著手先

笑我迂生多落落如公清望久崑崙爲雲忽結金蘭契
洗甲爭迎玉帳回報國鬢絲堅歲晚誦詩心蘂逐花
開黎平新事猶堪紀又費尙書八斗才

鎖院監臨中秋邀提調狄次公夢松監試馮湘岩兆岫

兩君小集紀事

頻年蹤跡等浮槎不泛輕舟此建牙

督運三年中秋明
每在津門舟次

月依然窺客瘦微雲欲盡共河斜銀袍鵲立三千士玉

粒秋登十萬家無數蒼黎來眼底問君富教果何加

四圍山立翠摩空

監臨堂踞山峻極龍門徑莫通萬斛
巔俯視無際

香含金粟裏

庭桂尙
未花

三人心湛玉壺中話餘春夢依稀

遠老哂書生結習同我自承明不知舉君何見獵漫藏

弓

僕通籍後從未典試兩君皆星
輅出使者故以王黃州語奉嘲

鎖院風清吏散時本無官樣孰矜持節臨白露霜全未

十四日
白露

行過青山月不知餽飮杯盤忘主客和平鼓角

當金絲傲他玉尺樓中使那敢丹黃醉眼披

兩王試所
居名玉尺

暫拋案牘戰場來辛苦槐花踏幾回作嫁衣無鍼可度

監臨提調監試
例不閱試卷

共知心有酒頻催山川蟠鬱留靈氣今

古蒼茫各異才看取英雄多人穀不須駿骨市金臺

題蔡葛山相國手跋胡曉山封翁制藝卷子

相國督學中州歲試拔曉山封翁爲第一曉山
手錄所評文以誌知己三十年後郎君鑑泉守
蘇州繙閱舊書甫得斯文而相國由閩入京乘

舟適至鑑泉攜文迎謁具述因緣相國欣然爲
跋二通鑑泉裝潢成卷乞諸城劉文清公韓城
王文端公題詩以詠其事再閱二十餘年爲嘉
慶癸酉僕監臨黔闡封翁孫耐亭明府作宰貴
筑以是卷屬題曉山先生雖未一奉杖履而葛
山相國則僕之師鑑泉又舊友也披誦沈吟興
懷今昔爰賦二詩書後

文字三生契畱題兩世緣八旬元老筆一代藝林傳愛
士畱真脈貽經啓後賢事關家國在佳話豈徒然

我亦歐門士莊如學並荒論文珍手澤感逝蕤心香祖
德懷明發交情剩老蒼白袍羣鵠立玉尺可同量

癸酉除夕前一日安桂甫同年移寓往過歸賦四
律却寄

安止何因額此堂巢痕今有燕尋梁

百菊溪同年任黔
藩時曾寓此室顏

之曰安止堂桂甫與之吟詠於此今
來候補司馬賃此入居乃知有先兆

風吹春夢番番過

樹撼秋心槭槭長臘雪應時培麥短浮雲學我出山忙

憑君一覓如瓜棗要酌屠蘇最後觴

雁臣歲歲過長安

督漕三載每歲於
秋後入都展覲

不到衡陽錦字難

下水君迴湘客櫂上天我據伏波鞍

僕三月奉命撫
黔君早歸鄂城

相逢共入郎當隊閱世原多黯淡灘信得冰壺心一片
敢云屈宋是衙官

消磨不盡氣如虹獨立千秋在眼中餘子大都非俊物
使君何者角英雄羊腸曲折崎嶇路鵬翼扶搖浩蕩風
試看春臺迴暖律村村花柳答天公

東閣觀人未敢畱移居乍可市南頭客窺幕府如僧舍

士指行窩當選樓

君前在黔中凡人士經指授者多破
壁飛去今秋典試程太史伯鸞貴山

山長翟太史錦
觀皆受業生也勛業卅年皆雪爪往來二老尙風流歲

朝點筆邀清賞爲問弓衣繡得不

登相寶山

癸酉重九貴州撫署作

落帽風停雨氣徂好山招我出城隅
禾雲捲盡黃樓隴樹幄平連綠
到燕舉首依然知日近登高原不仗人扶
笑他鸚雀低飛慣作隊原田逐食呼

四圍遠岫列如屏二水爭趨雪可聽

賈城河由南門出大城外南明河合

流東繞郭人煙浮樹白中天佛髻逼雲青
憑欄客踏飛

鴉立穴石僧遺古洞扁

殿右室內石巖崎嶇一線中通出其後繚而上得一軒極微豁

岩中盤洞限以木几窺之慙媿使君稱老健
榜頭翁百

秋水閣詩集

卷八

九

十三齡寺門外有壽山亭榜題恩賜三品頂帶一百三歲老人吳試立詢寺僧吳為新安人嘉慶辛酉赴滇過此

癸酉貴陽除夕作

萬山春氣擁春城遠近喧闐爆竹聲黔民好放爆竹日夕不絕人譽
精神知老至筵無絲管恃談清署中止蔡生鏡涵屠春池二人而已
年年境逐桃符換樹樹相從鐵幹生三捷紅旗聞奏喜是日定滑縣
逆匪信更添鸞鑠賀昇平

甲戌元日

玉佩朝迴曉色迎廉纖雨溼半陰晴一天景色春光好

十五日始立春萬戶歡愉鼓樂平望極紅雲依雉尾占先綠野
課牛畊婆娑老子無多願米滿篝車酒滿觥

垂魚自笑鬢絲殘落落心餘一寸丹老境漸增歡緒減
民風未轉吏才難淩空高嶂真孤立作態新花有萬般
料得山妻能傲我穉孫學拜歲朝看家累咸畱里門念及定孫因有是語
奉

召入都爲刑部左侍郎誌別同事諸君子

除書初下紫雲邊卿月仍依尺五天去年以少宰出撫居不沽
名人又去情難爲別住無緣也知桑下無三宿遮莫黔

中算一年

在黔
十月

剩得登山詩句在他時收拾入新編

俯漢扼楚鎮南維仗鉞防邊此一時香瘴久消羅甸國
蘆笙長拜竹王祠未分

宵肝憂空切待展經猷事可思水懦應然犀共照繞朝
一策贈臨歧

澗水初過夏甫中頻聞伏莽起苗戎探九竟鼓連雞勢
依社難遲灌鼠攻傳箭連營人破膽馳書縛醜草從風
天恩至厚

天威遠莫少擔當誤始終

此指上年定黎平苗變事黎
平苗人擅產木和富甲通省

乞國初有苗生額四名後以古州苗變裁去已而羣苗
考之說復其額近以開泰縣應專以漢民考試黎平府
應立以苗民考試控爭七年當其初一以舊章駁飭即
可停已得當局者意見不准而苗民久之狡黠者謂如
難於取財因在省人復控欲得全額二名且欺其
曹以爲有財路以財營求可必准令赴各寨繳錢其
初控京者二皆斂衆寨苗錢行之者予在已得其一
凡黔中紳士皆云此事有關係苗民變動則一省不
支也予四月二日青溪接篆已聞苗匪阻止苗生
苗童不許應考大言恐嚇傳單四布既至省城諸君子
皆恐激變又不敢止考予傳語黎平沈守云無論生童
多亦以應試者則開歲試不可遲疑以墮苗匪之計學
至之計不稟之已而歲試胡學使如余言取進如額苗
匪藉端遂行則其在省被騙之財無從取償而後此無
再應科試以爲後圖訛言日至大吏束手余因調兵一
火火司寺長

千名札古州鎮張公督之卽行與張觀察夢草同營告
之曰兵到揚威不可入苗寨不可擾順苗俾苗匪轉合
爲一如匪苗聚衆拒捕則徑勒之抗拒捕則督各寨頭
人自縛匪苗入寨如敢抗拒則撫提合提大兵風馳一
兵一役不復入寨如敢抗拒則撫提合提大兵風馳一
勸其罪蓋被卽害者七十餘家皆指名控官不能免亦不
滅其罪蓋被卽害者七十餘家皆指名控官不能免亦不
可誣兵到日苗匪乃不敢再劫始而意在拒捕見總鎮
統兵卽到驚以爲神遂不敢再散及余傳示各寨乃各縛
其罪苗歐桃等三百餘人爰檄泉使馳赴黎平與東縛
出罪苗歐桃等三百餘人爰檄泉使馳赴黎平與東縛
合訊定擬其時伯制府以閩兵至聞此事初頗驚訝以
訓兵未及告也余詳悉以札述其始末且苗敢劫捕
至數十家是苗變也雖以札述其始末且苗敢劫捕
之非多則威不震轉啓玩心蓋上年有一守備二十兵
過彼爲其所擒再弄者在律劫賊拒捕格殺勿論苗人劫
掠雖未殺人而再弄者在律劫賊拒捕格殺勿論苗人劫
雷之勢不能止况苗變而有官兵捕之豈可云激迫一旬

之內翠醜悉獲諸寨帖然玉亭亦為余稱快云八月終
平諸生應秋試道旁窺余云此公亦一書生何其用兵
神速如此非兵至則劫不止非告示至則苗人不縛罪
人也然此事論罪已多如當日駁呈不准敢不赴考即
奏明停止罰其生童不許應試若干年必
乞憐不暇何至釀出劫搶殺遺大案耶
懸車將屆未投簪三人秋官雨露深余年六十有檢點
行裝無愧色遲回情話有知心濟時我老慚餘智輔世

公才總冠今莫悵遠違七千里向來笙磬是同音

過常德府太守鄭松谷山其母何恭人疎影軒遺

草求作題詞為書四絕句

西江舊雨鄭袁州

余秉臬江西鄭守袁州

官閣重逢一日畱抗志

獨爭千古上今知慈蔭善貽謀

見集中勗子詩

冰雪裁成絕妙詞立言共識女中師白華未奉君羹養

此段傷心我最知

余通籍三年太夫人棄養與太守同此抱痛

經國謨猷贊化鈞雄詞卓爾蔡夫人朗吟疎影軒中草

月露何曾染一塵

本朝高文良公之配蔡夫人貫通經史詩筆雄健能爲文良公代草奏疏

觀集中詠史諸詩識力超絕足稱媲美

勞人草草一鞭過把卷沈吟意若何千疊春山五溪水

較將清氣不爭多

過公安作

半月春陰重連朝雨氣寒乍晴添背暖念老怕衣單
已青疇滿渠流淥水寬客心鄉思雜此地是公安

襄陽楊蘋村通守

正邦

求題其旋軍圖畫照

篝火鳴狐燭未休儒生投筆換兜鍪勞臣一語聞
天獎李廣何須歎不侯

戰罷營中血洗刀歸程夾道擁旌旄旋旋軍人唱從軍樂
白馬彤弓綠錦袍

據鞍八載息長征可是當年志請纓一笑馬曹堪拄笏
鬢眉自照漢江清

蘋村以州同轉餉堵禦當陽立功三

叨議敘詔旨有均爲出力之褒升

通守後作
圖以紀

子弟江東舊有名順昌旗幟正連營將軍一炬無餘燼

漫說蕭郎作騎兵

嘉慶三年予隨蘇制府至潁昌防邊有旨以孝感教匪滋擾命制府帶

兵赴楚迎勦制府檄予從軍已調江南督標兵起程會明將軍火焚胡家寨孝感教匪咸伏誅遂撤兵回營

昆陽光武廟

一戰鋤新室天人大合圍風雷真震疊屋瓦亦紛飛可

怪將軍勇從知大敵非雲臺有圖畫俎豆共光輝有二十八

將像

李石農出示其高祖妣二宜人傳有序

墨本爲王虛舟先生書虛舟法歐陽率更骨秀
而神栗此其用文筆蓋天下必忠孝節義可歌
可泣之事著爲文章見之筆墨乃足以發其性
情之真而共傳於不朽中郎之有道碑右軍之
曹娥碑咸此志也宜人所撫子知高郵州孫知
淮安府元孫卽石農官雲南廉使今觀察天津
食報數世爲世無窮皆二宜人之貞節
有以啓之云爰題其後石農名鑾宜
詩佚

孫男方

堀小岩
贈葆川
坪季平

校字